

文淵閣

影印

四庫全書

影印

文淵閣四庫全書

第三五九冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

平定準噶爾方略(三)

正續

編編

清 傅 恒等撰……………一

欽定四庫全書

史部

平定準噶爾方略正編卷五十三至

詳校官監察御史_臣孫家賢

通政使司副使_臣莫瞻菴覆勘

總校官進士_臣朱鈐

校對官編修_臣周厚轅

謄錄監生_臣汪瀾

欽定四庫全書

平定準噶爾方略正編卷五十三

乾隆二十三年夏四月丁巳

命陞敘擒賊輝齊之効力出眾官兵

上諭軍機大臣曰據兆惠等奏稱擒賊輝齊並收其

游牧在事官兵俱為出力此內有索倫披甲達木

畢勒圖巴爾虎披甲多拉瑪索倫委驍騎校阿爾

衣巴圖濟爾噶爾帶領之厄魯特護軍碩端勞績

欽定四庫全書

平定準噶爾方略正編卷五十三

出眾已將備賞藍翎給令戴用等語官兵等効力

出眾勞績可嘉達木畢勒圖多拉瑪著委署驍騎

校阿爾吞著實授驍騎校碩端著授護軍校遇缺

即補

定邊將軍兆惠等疏奏偵探賊衆情形

兆惠等奏言臣等昨在濟爾哈朗捉生詢問知

哈薩克錫喇等欲攻昂吉岱昂吉岱知覺與特

古斯孟克逃出不知所向哈薩克錫喇前往聞

勒奇臣等即尋蹤追逐于三月初七日至衛和爾里克據哨探侍衛納蘭圖等在圍勒奇擒獲喇嘛卓特巴錫喇卜等據供昂吉岱等自沙喇壁勒遷移二月十六日渡伊犁河至濟爾哈朗十七日哈薩克錫喇鄂哲特等欲攻昂吉岱不果因前往聞勒奇三月初一日布庫察罕來會云于托里北之托和木圖探知大兵行走蹤跡我等宜將游牧移往伊犁河又有差徃偵探人

欽定四庫全書

平定回疆方略正編
卷五十三

二

等歸告在賽里木淖爾東之察罕布木遇大兵前哨拒戰敗回布庫察罕哈薩克錫喇鄂哲特等同議若大兵追逐甚急堅壁以守若未能追及或從塔爾巴噶台入俄羅斯或渡伊犁入回部于初三日即前往伊犁又聞布庫察罕屬人等言伊等前來時舍楞聞大兵信息即過欽達蘭嶺往塔爾巴噶台又昂吉岱因往會舍楞過察罕布木為布庫察罕卡倫人等所殺持古斯

孟克與昂吉岱屬人齊默特等同行至洪郭爾鄂博遇哈薩克哨探兵五十餘人將持古斯孟克擒去齊默特得脫來投哈薩克錫喇現在台吉宰桑有鄂哲特瑪里格爾巴朗布圖庫特克勒德克烏爾古勒濟勒達什塔爾巴等又聞吞圖布去年為伊屬人殺害等語又原任侍衛托倫泰等在烏里雅蘇台捉生詢問據供布庫察罕等往伊犁之次日見聞勒奇口有大兵一隊

欽定四庫全書

平定回疆方略正編
卷五十三

三

追逐此地現有巴爾達穆特等三十戶藏匿等語臣等派侍衛鄂實納蘭圖前往勒殺收其牲畜軍器查臣等原議分兵左右翼賊若渡伊犁逃走為右翼兵所扼若踰聞勒奇逃走為左翼兵所扼今賊人雖知覺遷移而策布登扎布等現已尾隨賊衆又哈薩克哨探人等既經前來或係踐上年之約且賊衆攜帶戶口輜重斷難免脫臣等晝夜前追並行知和碩齊唐喀祿等

堵截以期盡勦奏入報

聞

定邊右副將軍策布登扎布等疏奏進勦賊衆情形

策布登扎布奏言臣等分兵前往博羅塔拉進勦舍楞布庫察罕等一路晝伏夜行三月初一日至博羅塔拉捉生詢問知舍楞于二月十九日起程取道塔爾巴噶台欲往俄羅斯布庫察

欽定四庫全書

平定回疆方略正編

卷五十三

四

罕在聞勒奇賽里木淖爾等處而厄魯特嚮導人等云賊衆或入鄂拓克薩爾亦未可定臣策布登扎布過甘楚罕直尋布庫察罕游牧臣富德紆道一日前往鄂拓克薩爾堵截約于聞勒奇相會初二日臣策布登扎布至賽里木淖爾詢知昂吉岱為布庫察罕屬人所殺布庫察罕聞大兵至已過聞勒奇赴察罕烏蘇等處與哈薩克錫喇相會初四日追至和落霍淞河見賊

蹤跡即奪渡過河賊已遷移游牧山上餘衆不

多即領官兵四百餘名前進忽伏賊千餘突出直前衝擊因令副都統職銜溫布扎薩克達什居左公品級扎薩克三都卜多爾濟巴圖魯侍衛古爾格勒圖居右臣策布登扎布與郡王羅卜藏多爾濟及侍衛官員等居中奮力迎射格鬪良久賊始奔潰又賊衆二百餘名出我兵後復行擊敗計二次殺賊三百餘人緣我兵之馬

欽定四庫全書

平定回疆方略正編

卷五十三

五

晝夜趲行疲乏不能窮追暫集兵丁在和落霍淞歇息臣富德搜查鄂拓克薩爾營壘准到知會即趨回同議乘賊人喪膽之際酌派兵丁前往擒勦現護布庫察罕之從兄阿都齊解送兆惠軍營所得甲仗賞給奮勉兵丁查原議兆惠過博羅布爾噶蘇臣等過聞勒奇在伊犁會合今布庫察罕等聞風逃竄糾合哈薩克錫喇臣等惟有相機前進仍知會將軍兆惠以便協勦

奏入

上諭軍機大臣曰策布登扎布富德等探知布庫察

罕往合哈薩克錫喇之信分兵追捕奮力勦賊斬

獲頗多皆策布登扎布勇往所致甚屬可嘉著將

從前所賜伊父額駙策凌超勇之號即賞與策布

登扎布副都統職銜溫布著補授副都統公品級

扎薩克三都卜多爾濟若已賞翎即賞緞四疋若

未賞翎著賞翎仍賞緞二疋扎薩克達什授為公

欽定四庫全書

平定回疆方略正編
卷五十三

六

品級其餘効力之侍衛官員兵丁人等卽酌量賞

翎及造冊送部議敘伊等既會兵一處仍候續報

捷音以膺懋賞又據兆惠等奏稱哈薩克錫喇布

庫察罕等被策布登扎布窮追或逃入俄羅斯已

行知和碩齊唐喀祿等堵截所見甚是可傳諭和

碩齊等嚴行堵截并傳諭成衮扎布朕原擬自料

卜多派兵數百名前往策應恐未能趲赴但亦不

妨預備成衮扎布仍酌量現有兵馬若干交阿桂

等豫備策應此次勦賊兆惠策布登扎布等既協

力尾追而哈薩克之兵若又對面迎敵前後夾攻

賊可全獲至堵勦舍楞雖有和碩齊等若發兵一

隊尾追亦夾攻之道可傳諭兆惠卽派兵數百名

仍令策布登扎布富德帶領前往相機辦理

命原任按察使納世通赴巴里坤辦理糧餉

上諭軍機大臣曰按察使納世通丁憂回京奏懇差

遣著以原銜前往巴里坤與德舒一同辦理糧餉

欽定四庫全書

平定回疆方略正編
卷五十三

七

巴里坤辦事巡撫吳達善疏奏派遣軍營嚮導

人員

吳達善奏言准將軍雅爾哈善咨稱欽奉

諭旨從前駐劄安西旗人內有熟悉回部路徑情願

効力者遣往軍營行走但安西距魯克察克路

遠恐難趲赴查從厄魯特脫出之旗人內有曾

作軍營通事留于巴里坤者應行酌量派遣等

語臣等查得前鋒雙全綽克圖護軍拜凌阿七

十五明德烏爾德福祿等七人頗熟回部路徑
通曉回語情願隨軍營効力臣等照此次進兵
之滿洲索倫兵丁例治裝于三月二十日令前
往雅爾哈善軍營奏入報

聞

戊午

諭定邊將軍兆惠勦賊後來京

上諭軍機大臣曰前諭兆惠等將厄魯特等辦竣即

欽定四庫全書

平定回疆方略正編
卷五十三

八

往辦回部章奏列名兆惠居首其傳諭事件仍以
雅爾哈善首列亦可今思辦理回部既有雅爾哈
善額敏和卓且策布登扎布富德等亦可協助兆
惠久在軍營如已將哈薩克錫喇布庫察罕等擒
獲惟餘舍楞著富德前往追勦仍令策布登扎布
往辦回部兆惠即著來京朕既可詢悉軍前情事
而伊母年邁亦得以省侍或此時止舍楞一賊即
辦竣來京令富德等前往回部亦可朕意因辦理

回部無用多人兆惠既可乘便省母稍為休息如
有應辦事務再行前往又因一軍兩將恐有掣肘
之虞不若事權歸一以專責成可傳諭兆惠等知
之

諭定邊左副將軍成袞扎布等辦理達什達瓦游牧

事宜

上諭軍機大臣曰昨成袞扎布等請遷移達什達瓦

游牧于通肯呼裕爾經軍機大臣議奏俟秋收後

欽定四庫全書

平定回疆方略正編
卷五十三

九

辦理朕即諭成袞扎布等將遷移游牧之事不必
先使聞知恐伊等因此懈于耕作今思達什達瓦
游牧移往通肯呼裕爾恐非伊等本意若到彼無
計謀生仍須接濟且或致脫逃又滋事端莫若移
往察哈爾或在巴里坤附近阿濟必濟等處游牧
俟巴里坤駐兵屯田等事議定即令常住亦可此
事仍待朕熟籌交議著傳諭成袞扎布此時惟勸
課伊等耕種其應移駐何地俟議定後臨時再行

曉諭

諭約束發遣種地犯人

上諭軍機大臣曰部議于發遣重犯有改發巴里坤等處種地者此等罪犯俱係素不安分之人故陸續發往肅州分派各屯田處所令綠旗兵管束種地如果守分出力自予矜全若仍不安本業妄行生事或乘間脫逃即當嚴拏正法示衆其管束伊等之綠旗兵丁不得以伊等從內地發遣稍存姑息果有悍惡滋事即行處死亦罪所應得著傳諭黃廷桂將此等人犯抵肅時作何分遣及交與綠旗兵丁嚴加約束之處會同巴里坤魯克察克大臣等議奏

已未

諭大學士管陝甘總督黃廷桂來京酌議屯田事宜上諭軍機大臣曰昨命兆惠擒勒厄魯特賊衆後即著來京原為商辦屯田事務看來厄魯特餘賊既

欽定四庫全書

平定準噶爾方略正編
卷五十三

十

除則回部亦易于平定惟明歲駐兵屯田最關緊

要雖烏魯木齊等處現在耕種而伊犁尚屬荒閒倘被布魯特等侵占又須經理朕意于伊犁等處駐劄索倫兵及健銳營兵二三千名合之綠旗屯田兵丁聲威自壯此事須黃廷桂同來商辦著將兆惠等追賊奏摺錄寄黃廷桂閱看黃廷桂亦不必趨行可詢問兆惠起程信息先期來京其屯田事宜即留意區畫為要

欽定四庫全書

平定準噶爾方略正編
卷五十三

十一

獎賞藍翎豐泰解送厄魯特阿喇布圖巴拉至京

授藍翎侍衛賞銀五十兩在雅爾哈善軍營行走

庚午

定邊將軍兆惠等疏奏賊衆逃竄情形

兆惠等奏言查布庫察罕哈薩克錫喇等賊在和落霍漸之客伊地方會齊向伊犁下游逃竄策布登扎布領兵過聞勒奇嶺尾追臣等領兵

在博羅布爾噶蘇一帶策應後聞策布登扎布之兵在和落霍漸擊敗賊衆臣等即晝夜前追沿途遇有逸賊盡行殲戮三月初九日至車齊罕河准策布登扎布知會云兵至博羅呼濟爾數次捉生詢問或稱賊人投往哈薩克或稱投往俄羅斯或稱自庫庫托木逃去所供不一我兵自宜窮追務獲但現兵雖有四百而馬匹疲乏日有落後之人仍需揀選馬力有餘可多行

數日之兵三四百名前來接濟餘兵令在伊犁等處牧放馬匹將來進剿回部亦可得力等語臣兆惠巴祿同領隊大臣色布騰巴爾珠爾明瑞圖倫楚巴圖濟爾噶爾選兵三百餘名晝夜兼行接應策布登扎布之兵再賊人蹤跡四散恐于山僻藏匿現據侍衛老格等在車齊罕河等處勦賊百餘人收取人口二百餘及馬駝軍器等物仍派副都統由屯瑚爾起在後收齊陸

續到來之兵分往搜剿其疲乏馬匹于和落霍漸等處牧放以備進剿回部之用又臣將擒獲琿齊阿南達哈什哈等屬人五十名帶往軍前効力所有家口派索倫兵五十名同琿齊等家口俱送至吐魯番俟雅爾哈善將索倫兵留用另派綠旗兵送至巴里坤其布庫察罕之從兄阿都齊亦派索倫兵送至吐魯番照前轉解到京奏入報

聞

命暫停辦理効力軍營之厄魯特等家口

上諭軍機大臣曰兆惠等奏稱揀選琿齊阿南達哈什哈等屬下壯丁五十人現在隨軍効力等語可傳諭巴里坤辦事大臣等于此等効力之厄魯特等家口解到時送往肅州暫行安置看伊等在軍前出力與否再為定奪此外所送人口俱照從前辦理亦傳諭黃廷桂知之

諭靖逆將軍雅爾哈善等辦理回部事宜

上諭軍機大臣曰昨諭兆惠等將舍楞哈薩克錫喇布庫察罕等擒勦後即著策布登扎布富德前往回部兆惠來京另有商辦事件恐其一軍兩將或致有掣肘也雅爾哈善既總統回部事務一切事務當與額敏和卓悉心籌畫奮勉辦理看來辦理回部較準噶爾為易伊等屬人內如有悔罪求生將波羅泥都霍集占擒獻者即可竣事但附和逆

欽定四庫全書

平定準噶爾方略正編
卷五十三

十四

首為惡之人若不嚴加殲戮則回衆無所儆懼日後又必滋事雅爾哈善宜詳詢額敏和卓將此等附和稔惡之人務必全行擒獲不留餘孽庶地方常得寧謐至蕩平回部後即當定其貢賦仍視準噶爾所取之數毋得增減或因伊等變亂之後力不如前酌量稍減尚可所有貢賦俱著齎至巴里坤官為運送其各城頭目應令入覲者作何分年來京亦定議具奏現在伊等軍行所至情形若何

作速奏聞

辛酉

定邊左副將軍成衮扎布疏奏都爾伯特汗策凌身故

成衮扎布奏言准駐劄科卜多辦事叅贊大臣阿桂咨稱三月十九日都爾伯特護衛通噶拉克稟稱我汗策凌于三月十三日出痘身故等語隨曉示親王策凌烏巴什貝子瑪什巴圖辦

欽定四庫全書

平定準噶爾方略正編
卷五十三

十五

理游牧本日又據長史騰格等稟稱我汗策凌臨危時囑云從前準噶爾變亂我歸誠

聖主以來受

恩深重今病勢難生爾等于我身故後稟知將軍大

臣我只一子索羅木衮布年十九歲懇奏請

聖主仁恩等語并呈送托忒字文一紙臣等曉示騰格等云爾汗生前受

皇上深恩今身故後爾等哈屯幼台吉當約束所部

永承

聖眷又都爾伯特扎薩克達什敦多卜亦于三月初

三日身故臣等查明應襲之人再行具奏奏入

上諭軍機大臣曰都爾伯特汗策凌當準噶爾擾亂

之初即能識時慕義率屬歸誠及準部蕩平始終

感激朕恩抒忱効力約束游牧人等甚屬安靜今

聞溘逝深為軫惻著加恩賞銀一千兩緞八端治

辦喪事仍派乾清門侍衛官長保薩木坦前往奠

欽定四庫全書

平定準噶爾方略正編
卷五十三

十六

醢其汗爵即令伊子索羅木衮布承襲伊子年已

十九應學習辦理事務著將策凌盟長之缺准其

實授策凌烏巴什等俱係現在盟長著賞策凌烏

巴什緞六端博斯和爾緞四端剛多爾濟巴圖博

羅特瑪什巴圖各緞三端可傳諭伊等與索羅木

衮布同心協力約束所部以副朕懷其扎薩克達

什敦多卜身故著于烏里雅蘇台侍衛內派出一

員前往奠醢

臣等謹案都爾伯特為四衛喇特之一台吉

策凌值準部內亂一時渠酋咸徵其伙助乃

義明順逆知若輩攘奪無成計惟歸命

天朝可以保全游牧率先款附畢獻悃忱我

皇上開誠撫納賚予便蕃自是諸部聞風延頸跂踵

洎乎

恩命分封鈞崇爵號而阿逆忽心懷心測自外

生成遂影吠聲之徒紛紜脅附策凌等卒未嘗少為

欽定四庫全書

平定準噶爾方略正編
卷五十三

十七

搖動是以屢屢

宸衷曲籌耕牧及其既歿而

恩禮始終賞延後嗣較三部落之披猖反覆竟底滅

亡者不啻霄壤然後知栽培傾覆

天道與

聖心相為默契而福由已求孽亦自作惟視其人之

所取耳

定議量撤烏里雅蘇台等處兵丁及停派防秋

兵事宜

定邊左副將軍成衮扎布等奏言臣等欽奉

諭旨烏里雅蘇台等處駐劄索倫察哈爾等兵應行酌量撤回又四部落每年派出防秋兵丁亦應裁減查上年臣等奏准北路軍營留索倫兵一千名察哈爾兵一千名右衛綏遠城滿洲兵五百名喀爾喀兵五百名綠旗兵三百名除挑往西路索倫兵四百五十名外餘兵五百四十名

欽定四庫全書

平定準噶爾方略正編
卷五十三

十八

在軍前年久應行撤回其索倫兵因和碩齊等帶去三百名又察哈爾兵一百名尚在駐防請將烏里雅蘇台科卜多之索倫察哈爾兵暫時留駐俟和碩齊等兵丁回程之便全行撤回至烏里雅蘇台等處倉庫牲畜均需照管其乾隆二十一年調來滿洲兵五百名駐防未久喀爾喀兵五百名亦在游牧附近更換請將此兩項兵丁俱行存留同綠旗兵三百名一體給與糧

餉再四部落防秋兵從前每年派兵三千名辦

給三個月錢糧定地齊集今準噶爾既平此項

防秋兵毋庸齊集即在各游牧豫備以省糜費

奏入得

旨軍機大臣議奏尋議成衮扎布請留滿洲綠旗等兵照看倉庫牲畜應如所奏其索倫兵丁現在無多俟和碩齊等歸途一併撤回尚屬可行惟察哈爾兵丁防防甚久無庸守候應請即行撤

欽定四庫全書

平定準噶爾方略正編
卷五十三

十九

回再所請喀爾喀兵五百名一體支給錢糧查從前將喀爾喀兵派往烏里雅蘇台軍營因伊等在游牧之內並未支領後因有差遣蒙恩賞給而現在地方無事應照舊例停支或因食糧有年准其減半支給至防秋兵丁既無庸齊集亦應如所奏令其在各游牧豫備可也奏入得旨喀爾喀兵丁錢糧仍照原奏支給俟索倫等兵撤回時再如所議行餘依議

壬戌

命派送軍營馬匹牛隻

上諭軍機大臣曰現在商都達卜遜淖爾達里剛愛等牧場內揀選馬匹牛隻送至巴里坤以備屯田及兵丁口糧之需著派乾清門侍衛瑚什科普撒額爾登額蒙古勒分隊管領仍派公扎拉豐阿統率照看

乙丑

欽定四庫全書

平定回疆方略正編
卷五十三

二十

定邊將軍兆惠等疏奏追剿賊衆情形

兆惠等奏言臣等隨策布登扎布富德行蹤輕騎追賊三月十一日至庫克烏蘇次日遇策布登扎布等所留索倫營總索音達爾等詢知富德聞哈薩克錫喇等晝夜逃奔之信領兵二百裹糧前追于初七日越博羅呼濟爾嶺見賊衆分為兩隊遂令鄂博什等為左翼羅卜藏多爾濟等為右翼追及于哈魯勒托羅海擒獲卓托

魯克得木齊車隆據供哈薩克錫喇鄂哲特等

自薩瑪勒河分路向伊犁逃去布庫察罕現在前路等語因馬力難於疾追先遣叅領納旺署營長賓圖持托忒字印文往招布庫察罕令擒哈薩克錫喇自贖行至庫克烏蘇納旺等帶布庫察罕之喇嘛等來見請暫緩大兵即率屬迎降富德等恐係飾詞仍前追襲遇賓圖來言布庫察罕等夜間商議忽然潰散台吉庫魯勒岱

欽定四庫全書

平定回疆方略正編
卷五十三

二十一

等宰桑塔什等來降布庫察罕逃去等語隨即前追擒獲宰桑和碩齊勒毅喇嘛及賊衆二百餘人捉生詢問據供布庫察罕往必濟納喇特等處現今富德尋踪追襲策布登扎布相繼前行臣等伏思布庫察罕止存百餘戶尚易追剿哈薩克錫喇傳聞逃往阿勒坦額默勒富德等約于彼處相會臣等亦前往策應仍令圖倫楚帶兵往額蘇克尋踪追襲俱于伊犁會合又令

由屯帶兵往追鄂哲特等現在收降台吉衣布等係綽羅斯種族派員送京其節次所收戶口派索倫兵送至吐魯番聽雅爾哈善將兵留用另派經旗兵轉解已里坤奏入

上諭軍機大臣曰兆惠等奏稱哈薩克錫喇布庫察罕鄂哲特等潰散逃走現在分兵追勦等語伊等皆叛賊渠魁自應全行弋獲今進勦回部有雅爾哈善等承辦兆惠務將此數賊擒勦即遵旨來京

欽定四庫全書

平定回疆方略正編卷五十三

二十三

其伊犁聞勒奇等處之鄂拓克及塔本集賽游牧藏匿之瑪哈沁等著策布登扎布富德嚴行搜捕不留餘孽俾地方寧謐再往辦回部至所奏酌派索倫兵給與雅爾哈善今追賊正需兵丁不當頻為遣發但業已發往亦不必調回其隨策布登扎布等勦賊効力之舒德勒瑪呼富音保佛爾賽奎蘇喀什喀爾戴孔雀翎科丕塔格森泰伊薩勒圖噶爾瑪烏木普圖丑格賞戴藍翎巴圖魯二等侍

衛古爾格勒圖三等侍衛永安俱賞緞二端筆帖式覺羅七十布奮勇勦賊亦賞戴孔雀翎仍著交部議敘至富德所奏勦殺喇嘛等語準噶爾喇嘛今俱何往從前伊地屢易台吉以致覆敗若此皆由喇嘛等煽惑斷不可留嗣後遇著名之錫勒喇嘛必盡行擒勦庶不致滋生事端

命賞給署防禦獎賞藍翎塔尼布署防禦庫爾布德孔雀翎賞銀各五十兩前往雅爾哈善軍營効

欽定四庫全書

平定回疆方略正編卷五十三

二十三

力

丙寅

諭辦理屯田侍衛永貴等查奏墾種收支實數

上諭軍機大臣曰屯田為軍食所關凡墾種地畝收支穀石俱宜豫行籌畫可傳諭永貴等將現在墾種若干收糧若干較去年多增幾倍足數兵丁若干人幾月之食來年亦照此加增核計具奏至平定回部後屯田兵丁若同征兵撤回則將來又煩

跋涉自應留住彼處來年墾種地畝應添兵丁或于征兵內酌量存留伊等口糧即在現收穀石內支給但足敷幾月之食能及收穫之期否俱著籌酌奏聞

已里坤辦事大臣阿里衮疏奏運送軍營口糧牛隻

阿里衮奏言臣遵

旨于三月十五日自魯克察克起程二十七日至巴

欽定四庫全書

平定回疆方略正編
卷五十三

二十四

里坤查應送雅爾哈善軍營駝隻口糧及烏魯木齊哈喇沙爾等處屯田牛隻俱陸續解送其進剿回部兵丁尚未全至雅爾哈善于三月十五日起程途中緩行以待其應送兆惠軍營之軍器口糧俱全行運送其哈尚德應賠食羊一萬五千餘隻共應抵補米麪炒麵一千八百餘石挑選現到駝隻先行起運其餘應得口糧亦即陸續運往又臣于吹什臺站查得被賊搶掠

力戰中鎗身死之綠旗兵閻惠回兵呢雅斯傷重之回兵黑里默錫克請照陣亡及得傷例賞卹奏入報

聞

諭定邊將軍兆惠等摺節糧餉

上諭軍機大臣曰據阿里衮奏稱從前哈尚德所解羊隻倒斃數多先以米麪計算抵補其應支糧餉待駝隻到齊陸續運送等語兵餉關係緊要軍行

欽定四庫全書

平定回疆方略正編
卷五十三

二十五

程途更遠運送正復不易自當加意撙節若運到時即盡行分給恐兵丁等糜費過多致將來不能接濟兆惠等進剿時所收賊人口糧牲隻自可分給兵丁其送到之糧餉酌量給發仍豫籌貯備務便留餘可傳諭兆惠等知之

命按察使職銜納世通辦理屯田事務

上諭軍機大臣曰昨命納世通在已里坤辦理糧餉今駐劄既有大員且無必需承辦之事著前往魯